

Shri Shyam Sharan Mein Aaja | by Piyush Bhawsar

Shyam Banaye Shyam Mitaye, Shyam Jalaye, Shyam Bujhaye
Shyam Sharan Mein Tek De Maatha, Shyam Mukaddar Soya Jagaye
Sanwre Ki Chaukhat Jo Bhi Premi Aayega
Uske Saare Kashto Ko Sanwra Mitayega

Kaante Bichche Ho Raahon Mein Aur Manzil Na Ho Koi
Toofan Hi Toofan Ho Saahil Na Ho Koi
Haara Ho Jab Tu Duniya Se, Aur Saathi Na Ho Koi
Isko Bulana Jyot Jalana, Shyam Dhani Ko Aawaz Lagana
Mera Sanwra Tujhko Raasta Dikhayega
Tere Saare Kashto Ko Sanwra Mitayega

Sau Mushkilon Ne Duniya KI Mujhko Ghera Hai Sanwre
Ab Dar Nahi Hai Mujhko Sahara Tera Hai Sanwre
Duniya Ne Loota Apno Se Chhoota Hun Sanwre
Tu Thaam Lega Chaukhat Pe Teri Baitha Hun Sanwre
Bigdi Banade, Paar Lagade, Shailu Ka Tu Bhagya Jagade
Bholu Ye Hi Charno Mein Haaziri Lagayega
Tere Saare Kashto Ko Sanwra Mitayega

Tu Bhi Aaja O Premi Tu Bhi Aaja
Shri Shyam Sharan Mein
Aaja Shri Shyam Sharan Mein Aaja
Premi Ka Bulawa Aate Hi
Mera Shyam Daud Kar Aata Hai
Mera Shyam Dhani Har Jeevan Mein
Khushiyon Ka Ujala Laata Hai
Jeevan Hi Badal Deta Uska,
Jo Haar Ke Sharan Mein Aata Hai
Isiliye To Mera Sanwariya Haare Ka Sahara Kehlata Hai
Tu Bhi Aaja O Premi Tu Bhi Aaja
Shri Shyam Sharan Mein Aaja
Shri Shyam Sharan Mein Aaja

<https://bhaktivandana.com/lyrics/%e0%a4%b6%e0%a5%8d%e0%a4%b0%e0%a5%80-%e0%a4%b6%e0%a5%8d%e0%a4%af%e0%a4%be%e0%a4%ae-%e0%a4%b6%e0%a4%b0%e0%a4%a3-%e0%a4%ae%e0%a5%87%e0%a4%82-%e0%a4%86%e0%a4%9c%e0%a4%be-by-piyush-bhawsar/>